

rint), inseratur. Sic quoque humilitatem debemus tenere in mente, ut inde (tamen) ordinis nostri dignitatem servemus in honore, quatenus in nobis, nec humilitas timida, nec ratio sit superba. Omnipotens Deus, carissime, sua te protectione custodiat, atque ad coelestis remunerationem patrie (cum) multiplici

A animarum fructu perducat. Deus te incolumem custodiatur, reverendissime frater. Amen. Datum vni kalendas Octobris (haec falsa consulatum nota) Justiniano tertium et Oreste (Valentino et Oreste, viris clarissimis consulibus (anno Christi 530 vel 535).

ANNO DOMINI DXXVII.

MONTANUS

EPISCOPUS TOLETANUS.

(Ex Collect. SS. Patrum Tolet.)

PROLEGOMENA.

MONITUM AD LECTOREM

Auspicamus, lector optime, a Montano SS. PP. Toletanorum editionem, quoniam e tota retro antiquitate is primus est, non qui monumenta litteraria ediderit, sed cuius scripta ad nos usque pervenerint. Quis enim dubitet Montano aliquos præcessisse in sede Toletana doctos præsules, ac scribendi laude præclaros? De Audencio, quem Toletanum antisitem fuisse nemo ambigit, scitum est Gennadii elogium, cap. 14, his verbis: *Audencius episcopus Hispanus scripsit adversus Manichæos et Sabellianos, et Arianos, qui nunc vocantur Bonosiaci, librum quem præstituavit de Fide adversum omnes Hæreticos: in quo ostendit antiquitatem Filii Dei coæternalem Patri fuisse, nec initium Deitatis tunc a Deo Patre accepisse, cum de beata Maria Virgine homo, Deo fabricante, conceptus et natus est.* Virum eundem in Scripturis exercitatum habentem ingenium vocat Trithemius. Sed hoc Audencii opus, sicut et alia aliorum, perii. Montanus itaque primus occurrit, cuius epistolæ saeculo sexto conscriptæ, atque a S. Ildephonso laudatæ, temporis edacitatem superantes, in variis mss. reperta sunt, ex quibus editæ primum a D. Garcia Loaysa, deinde

B ab em. Aguirrio in sua Collectione conciliorum Hispaniæ: postremo a P. Florez ad quamplures mss. codices gothicis, ut ipse asserit, collatæ, multo emendatores quam in prioribus editionibus exhibitæ sunt in appendice ad tom. V Hispaniæ sacrae. Ejus nos editionem secuti sumus, nullis ex nostro variantibus lectionibus adnotatis, quoniam ms. codicem, ad quem epistolas exigeremus, nullum habuimus. Variantes igitur descriptæ sunt ex ipsa Florezii editione: adnotationes vero ad imam oram adhibitas ex em. card. Aguirrio desumpsimus, quas tamen nostris animadversionibus ad calcem auximus, locum obscurissimum epistolæ secundæ quoquomodo illustraturi, qui nulli hactenus editori non negotium facessit. Quod vitam Montani ejus epistolis presigimus, non vanum nobis consilium visum est iniisse, ut de auctore rationem prius redderemus, quam ejus representaremus scripta. Itaque in cæteris Patribus edendis eamdem observavimus methodum. In Montano vero, quoniam elogium illius a S. Ildephonso conscriptum brevius est, nos vitæ ejus historiam paulo longiore contexuimus, colligentes ea quæ ab aliis historicis scripta reperimus. Vale.

MONTANI VITA.

Montanus Eclesie Toletanæ post Celsum antistes floruit tempore Amilariei regis Gothorum, præfuitque illi ab anno 532 usque ad 531, secundum seriem præsulum Toletanorum D. Joannis Baptiste Perezii canonici Toletani, et Clas. Loaysæ, et Aguirrii, quam auctiorem et correctiorem dabimus ad calcem tom. II.

Ex sancto Ildephonso intelligimus, quot quantisque virtutibus eluxerit. Fuit enim summa animi virtute præditus, in dicendo eloquentissimus, in gubernando prudentissimus, omnibus summis honoribus dignus, atque vita innocentia commendatissimus et beatissimus.

Et quidem ejus sanctitatis eminentia abunde comprobatur antiquissima fidelique traditione, qua S.

D Ildephoni ætate omnium ore ferebatur, sanctissimum presulem putida calunnia ab hominibus invidis appetitum, insigni miraculo suam innocentiam vindicasse, carbones accensos tardi in propriis vestibus sustinendo quoad sacra mysteria ipse perageret; quin tamen interea vestes vel levissimum ceperit detrimentum, ignisve quidquam de vi sua remiserit. Cujus simili purgatione posterioribus saeculis S. Anselmum aliosque sanctissimos viros, Spiritu sancto inspirante, usos legimus.

Eloquentia Montani atque ejus doctrinæ splendor satis apparebat ex duabus epistolis, que ad nos usque pervenerunt. Prima fratribus filiisque dilectissimis territorii Palentini, altera D. exilio Thuribio scripta: necnon ex concilio Toletano II, cui præfuit:

rujus canones qui sedulo perlegerit, abs dubio in illis animadverteret quamdam sermonis castimoniam aurea secula redolentem, et Gothorum temporibus perraram.

Insigne fuit abs dubio per omnem Hispaniam Montani nomen; et ejus sapientiae fama adeo percrebuit, ut synodus II Toletana habita anno 527 hoc modo inscribatur: *Synodus habita in civitate Toletana apud Montanum episcopum*; scipiusque a Patribus postremo in capite nominatur, asserendo, sequens concilium a Montano convocandum, et apud eum debere celebrari.

Octoginta tribus annis post prefatam synodum transactie, in synodo Carthaginensi habita sub rege Gundemaro anno 610 referunt Patres acta concilii Toletani si sic indigitati: *apud sanctum Montanum*. Quae verba superioribus adjuncta perspicue comprobant non solum sapientiam, verum etiam sanctitatem Montani in Hispania fuisse percebrem.

Quamvis sanctorum Boletanorum fastis non sit ascriptus, fraudari non potest elogio sancti Ildephonsi, qui eum *beatissimum sacerdotem* appellat, necnon Patrum Cárthaginem conclamatione *sacrum Montanum* denominantium.

Licit virtutum omnium laude floruerit, maxime vero zelo domus Domini ardore visus est, et pro fide orthodoxa sarta tecta tuenda atque sacrorum canorum disciplina instauranda, contra errorum monstra et pravos usus in Hispania grassantes assidue praeliari. Id epistola jam laudate testantur, undique zelum spirantes; sive presbyteros Palentinos chrisma conscientes, atque alienæ sortis episcopos ad consecrandas basilicas adsciscentes acriter coaguit; sive ipsorum levitatem atque recordiam perstringit, qui abominandam Priscilliani hæresim abjicentes, ejus nomen honorare pergerent; sive dum probatissimo presbytero Thuribio auctoritatem suam ad hæc mala coercenda committit. Denique quanta veneratione Romanorum pontificum monita suspexerit, quanto studio conciliorum sanctorum canones observari curaverit, exemplo erit quod ex epistola secunda non improbabiliter conjicimus, atque latinus in notis ad eam exponemus. Cum enim quidam illegitime electus ac ordinatus episcopus, Celso metropolitanu Montani prædecessore, comprovincialibusque episcopis insciis, Ecclesiam Palentinam invasisset, Montanus ad Toletanam sedem enectus, sotem diu impunitum esse non est passus, neque multorum precibus adduci potuit, ut contra sancti concilii Niceni decreta quidquam de illorum severitate remitteret.

Quæ omnia eo magis Montani virtutem commendant, quo mirabilis est, pastorem adeo integerimum, sanque Patrum suorum doctrinæ ita tenacem iis temporibus floruisse, cum Ariana hæresis totam sere Hispaniam occupaverat, cum Gothis regibus in chrono jactabunda consedens. Ipse vero non in aliquo remoto angulo latuerit, verum in media ipsa Hispania coram principe heretico, totoque aulicorum

Arianorum grege tam insignia pietatis et in orthodoxa religione tuenda indefessi studii testimonia præbuerit. Ex quo maximam in hanc sanctam metropolitam Ecclesiam Toletanam gloriam redundare nemo non videt: atque inde omnes intelligent, quam merito eam *catholicam* dixerit Eusebius a Montano quartus hujus sedis episcopus in subscriptione iii concilii Toletani: nempe quia pastores semper habuisset, qui Montano similes a recta aique orthodoxa catholicæ Ecclesie fide vel inter ipsas errorum tenebras maximasque persecutionum procellas nunquam desciverint.

B Obiit Montanus anno ultimo Amalarici regis, episcopatus sui nono, Incarnationis dominice 531: atque in hunc annum referenda sunt quæ quamplurimi historici cum nostrates, tum exteri tradunt de directione Toltana a Gallis facta post victoriam de Amalarico impio crudelique catholicæ Clotildis vexatore reportatam. Quæ ex re non tenere opinamur, sanctissimum præsulem non tam senio quam dolore confectum, cum vidisset urbem tanta calamitate oppressam, Ecclesiam sponsam suam omni vita cariorum bonis suis exsoliatam, vasa sacra usque ad sexaginta abrepta, patinas quindecim, librorum Evangeliorum thecas viginti, omnia ex auro mundissimo conflata atque pretiosissimis gemmis ornata, oculos tanta clade defatigatos clausisse; eamque rem omnium luctuosissimam mortem illi maturavisse. Pro coronide damus verba S. Ildephonsi, quibus tanti viri elogium expressit, Lib. de Viris illustr. cap. 3.

C Montanus post Celsum prime sedis provincie Carthaginis Toletanæ orbis cathedralm tenuit: homo et virtute spiritus nitens, et eloquii opportunitate decorus, regimen honoris retentavit ac dispositus condigno coelestique jure, simul et ordine. Scripsit epistolas duas ecclesiastice utilitatis disciplina confertas; e quibus unam Palentia habitatoribus, iu quo presbyteros chrisma conficeret, episcoposque alienæ diocesis alterius territorii Ecclesias consecrare, magna perhibetur auctoritate, sacrarum Literarum testimonii affirmans id ipsum fieri penitus non licere. Amatores quoque Priscilliane sectæ, licet non operarentur eadem, quia tamen memoriam ejus amore retinerent, abdicat et exprobrat, commemorans, quod in libris beatissimi Thuribii episcopi ad Leonem papam missis, eadem Priscillianorum hæresis detecta, convicta, atque decenter maneat abdicata. Aliam vero epistolam ad Thuribium religiosum, in qua collaudans eum, quod culturam destruxerit idolorum, committit ei sacerdotalis auctoritatem vigoris per quam presbyteros chrisma conficeret, et episcopos alienæ sortis alterius diocesis Ecclesias consecrare magna compescat invectione. Hic vir antiquissima fidelique relatione narratur, ad exprobationem infamie tandiu prunas tenuisse in vestimento ardentes donec coram sedis sue sacro altari totius missæ celebritatem per semelipsum expleret. Peractis autem solemnibus, nec pruna ignem, nec vestis inventa est amisisse decorem. Tunc Deo relatis gratiarum actionibus, per simplicem naturam ignis convicta est et

fallacia detestabilis accusantis, et innocentia beatissimi Amalarici regis. Annis novem pontificatus tenuit sacerdotis. Gloriosus habitus fuit temporibus dignitatem.

MONTANI EPISTOLÆ.

EPISTOLA PRIMA¹.

Dominis dilectissimis, fratribus filiisque territorii Palentini Montanus episcopus in Domino æternam salutem.

I. Cunctarum Ecclesiarum Domini potissimum presules per Ezechielem prophetam (*Cap. xxxiii*) terribilis illa commonitorii dictio sub speculatoris nomine concutit, dicens: *Fili hominis, speculatorum dedi te domui Israel: audiens ergo ex ore meo sermonem, annuntiabis eis ex me. Si dicente me ad impium: Impie, morte morieris: non annuntiaveris ei, neque locutus fueris, ut avertatur a via sua impia, et vivat; ipse quidem in iniuitate sua morietur, sanguinem autem ejus de manu tua requiram, et cetera, quæ hujus electionis ordo de admonentis alhmonitique animis^b exquirendum ostendit.*

II. Hac ergo voce permotus, hujus officii necessitudinem me suscepisse non nesciens, studere curavi, ne cuiusquam perditu animam de manu mea Christus inquirat; præsertim cum Toletanae urbi metropolitani privilegium vetus consuetudo tradiderit; et eo magis non solum parochiarum, sed et urbium cura hujus urbis sollicitet sacerdotem. Ergo, ut Apostolus dicit: *Quid horum vultis? in virga veniam ad vos? an in caritate et spiritu mansuetudinis (I Cor. iv, 21)?* Nova namque presumptione præsidentium vobis presbyterorum nostros pulsavit auditus, si tamen nova

In epistola hac Montanus Toletanae Ecclesiae metropolitane antistes gravior reprobavit, quod quidam presbyteri territorii Palentini, insci, aut temerarii, conficerent sacram chrismam, cum id solis episcopis competat; preterea, quod ad consecrationem basilicarum episcopi extranei admitterentur; denique quod aliqui infamem, et toties fulguritum Priscillianistarum sectam in honore haberent. Monet preterea, ut libros Theoribii episcopi contra illum scriptos legant. Sed de his omnibus satis diximus supra in notis ad concilium Cesaraugustanum, Toletanum et Hispanicum generale, atque in epistolam celebrem sancti Leonis papæ ad Thuribium episcopum Asturensem. CARD. AGUIRRIUS, ex tom. III Collectionis maxime conciliorum omnium Hispanie.

^a Non solum tibi locutus est Dominus, quia omnis congregatio sancta est. Hæc verba allegat Montanus ex cap. xvi Numeror. juxta veterem translationem, qua Ecclesia usa fuit, donec postea tempore S. Gregorii Magni Vulgata prævalere coepit ubique fere. Porro priora non habentur apud Septuaginta, ubi solum legitur: *Ἐτέρω δὲ ὑπό, ὅτι πάσα η συναγωγή πάντες ἀγοντει τῷ αὐτῷ Κύρῳ: Sufficiat robū, quia omnis congregatio, omnes sancti, et in eis Dominus.* Nec preterea existant in Hebraico textu juxta translationem Pagnini, nec in Paraphraste Chaldaeo. Itaque mihi dubium non est priora illa verba, non soli

^a Alius ms., peritissimos. Loays., Domini p̄issimi.

^b Gerundensis et Urgellensis mss., anima.

^c Loays., judicat.

^d Loays., adjutores suos Dominus.

tantum, et non detestabilis dici possit, quæ ab initio fidei catholice numquam præter nunc subrepsisse probatur, ut id quod per manus summi pontificis Trinitatis Divinitatis invocatio sanctificare consuevit, presbyter ignarus disciplinæ confidere sibi chrisma præsumeret. Hoc si ignoravæ est, tam demens sacerdos esse non debuit; si præsumptionis est, hunc schismaticum esse quis nesciat, qui inauditam rem et religioni contraria, scenscente jam mundo, talis B temerator inducat.

III. Revolvatur manibus vestris, o presbyteri, sacratissimus Numeri liber (xi, 16), in quo vestri officii in septuaginta seniorum personis auspicatus est honor; et invenietis quorum negotiorum vobis prærogativa concessa sit. Adjutores vos Deus^d nostri laboris secundo dignitatis gradu esse voluit, non temeratores sacrarum quarundam rerum esse permisit. Sic Nadab et Abiud ignem offerentes alienum (*Levit. x, 1, 2*), id est sui officii non debitum, divinus ignis absunpsit. Sic Chore, Dathan atque Abiron Moysi^e, Dei gratia, et divinis eloquiis persuerti invidentibus, ac dicentibus: *Non soli tibi locutus est Dominus, quia omnis congregatio sancta est (Num. xvi, 5)*, novis schismaticis interitus novæ perditionis^f advenit, ut jejuno ore insatiabiliter terra absorberet, quos indignatio divina damnasset. Quid me morem Oziam (*II Paral. xxvi, 16 et seq.*), qui non contentus r. galibus fascibus, ne fungeretur et sacer-

^C tibi locutus est Dominus, citata fuisse ex translatione veteri, quam sicuti Herculeo animo, et incredibili labore coepit restituere seculo precedenti Flaminius Nobilis, utinam etiam perficiasset. Vide que premisim tom. I dissert. IV, num. 20 et sequentibus.

Hanc ipsam Montani epistolam commemorat, et plures illius laudes proferit S. Ildephonsus lib. iv de Viris illustribus, dicens: *Montanus post Celaum primæ sedis provinciæ Carthaginis Toletanae urbis cathedralm tenuit: homo et virtute spiritus, et eloquii opportunitate decorus, regimen honoris retemperavit ac dispositus, condigno caelestique jure, simul et ordine. Scriptus epistolas duas ecclesiasticæ utilitatem disciplina conferas; et quibus unam Palentiae habitantibus, in qua presbyteros chrismæ conficeret, episcoposque alienæ diæcessis alterius territorii ecclesiæ consecrare, magna perhibetur prohibere auctoritate, sacrarum Scripturarum testimonius affirmsat ipsam fieri penitus non licere. Amatores quoque Priscillianæ sectæ, licet non operarentur eadem, quia tamem memoriam ejus amore retinerent, abdicat et exprobrat, commemorans quod in libris beatissimi Theoribii, ipsis ad Leouem papam missis, eadem Priscillianorum heresis detecta, convicteda, atque decenter maneat abdientia. Hæc ibi Ildephonsus de epistola prædicta. Statim vero commemorat aliam ejusdem Montani nunc a nobis exhibendam: *Hucusque CARD. AGUIRRIUS.**

^e Editio Loays. non habet esse.

^f Urgellens. et Loays., Mosco.

^g Urgell., Num soli

^h Loays., prædicationis.